



U bihaćkom zatvoru uhapšen muškarac zbog trgovine ljudima

Maloljetnicu iz Cazina odveli u Austriju radi prostitucije

Pripadnici SIPA-a prekjučer su u KPZ-u Bihać uhapsili jednu osobu koja se nalazi na izdržavanju kazne zbog sumnje u međunarodnu trgovinu ljudima.

Tužilaštvo BiH je saopćilo da je hapšenje izvedeno po nalogu Posebnog odjela za organizirani kriminal, a aktivnosti su realizirane u saradnji s partnerskim institucijama

Hrvatske.

Radi se o istrazi koja se odnosi na nezakonito odvođenje maloljetne osobe s područja Cazina, pod krinkom zaposlenja u ugostiteljskom objektu na području Austrije, a sa stvarnom namjerom iskorištavanja teškog položaja žrtve radi seksualne eksploatacije.

- Pravosuđe Republike Hrvatske vodi postupak

protiv jednog državljanina BiH, a drugi osumnjičeni lišen je slobode jučer jer se nalazio na izdržavanju kazne zatvora. Nakon što bude predat Tužilaštvu, postupajući tužilac će ispitati osumnjičenog te donijeti odluku o daljnjim aktivnostima. U koordinaciji s nadležnim institucijama, identificiranoj žrtvi je pružena pomoć i skrb na-



Maloljetnica trebala raditi u kafani

dležnih institucija - naveli su iz Tužilaštva.

Tužilaštvo BiH i partner-

ske institucije rade na identificiranju i drugih žrtava u ovom predmetu. **B. C.**